

# Комсомольский Вайгяль

## Комсомольский организациатненъ кровнай тевсна

Большевистский партиясь и Сталинский Центральнай Комитетсь тиезень сембонь, штоба социалистический земледелия касфтомс и кемокамс, штоба сон улель передовойкс, технически вооруженнайкс, штоба сембе колхозникне эрляхть зажиточнайста и культурнайста. Тянь инкса партиясь касфтсь и заботливайста воспитандась сядот тьожитть колхознай талантливый организаторхт, высококвалифицированной социалистический земледелиянь мастерхт, конат беспредельна преданнайхть коммунистический партияти и советский власти.

1938 кизонь государственнай планць предусматривает, штоба эрь кизоня сатомс инь оцю урожай и тянь инкса партиясь указывает конкретнай ки—эрь кизоня сатомс сталинский урожай—7—8 миллиартт путт сьора.

Колхознай, совхознай комсомольский организациатненъ кровнай тевсна ащи сянъ эса, штоба колхознай и совхознай одломаттненъ мобилизовандамс вийснот и энергияснот партиять и правительствать планцон пашкодемаснонды и, тяконь шоворхт, курокона машфтомс велень хозяйстваса вредительствать последствиянзон.

Комсомольский организациатне должетт колхознай, совхознай, МТС-нь одломаттненъ йоткса работать ладямс стая, штоба одломаттне тундань видемань кампанияса няфтельхть работань лучшей показателхть, штоба одломаттненъ работасна служаль сембе колхозникнеди, совхозонь, МТС-нь рабочайхнеди примеркс, штоба сий работань примерсна ащель символкс бригадаса, звеньяса стахановский движениа сьада товодонь вишкотеманцты и кемокамсманцты.

Мордовияса, кой-кона районца комсомольский организациатненъ руководстваснон вельде паксяса колхознай одломаттненъ йоткса работать ладязь действительна побольшевистски. Атяшевонь районца тундань видемань кампанияса соцсоревнованияс фатяфт 150 комсомолетт и 135 афсоюзнай одломатт. Организовандафт одломаттненъ 3 бригадат. Атиурьевонь районца организовандафт одломаттненъ йоткса 16 звеньят, паксяса работайхть 24 комсомолетт—стахановецт и 28 стахановец афсоюзнай одломаттненъ йоткса. Ковылкинань районца организовандафт одломаттненъ йоткса 10 бригадат и 18 звеньят.

Бригадатне и звеньятне, конат организовандафт одломаттненъ эзда, няфнихть действительна стахановский работань показателхть.

Но мя цифратне аф корхтайхть нинге сянъ колга, што стахановский движениаь развернутаь вширь и вглубь одломаттненъ йоткса. Комсомольский организациатненъ инголе ащи задача—обеспечендамс стахановский методонь работать стая, штоба эрь одломанць, катк мерьктыа сон рядовой колхозник или жа звеньеовой, бригадир и стакто, работаль стая, штоба сон улель ба передовой ряттненъ эса. Аф эряви юкснемс, што трудсь ащи одломаттненди коммунистический воспитаниянь основакс, ибо аныцек трудса одломанць воспитандакшневи и календакшневи большевистский партиять тевонц инкса, Ленинонь Сталинонь партияти безграничнай преданностьс.

Эрь комсомолетс должетт тюремс, штоба стахановский движениа фатямс сембеафсоюзнай одломаттненъ и тядень кизоть сатомс сталинский урожай.

## Испанияса фронттненъ эса

### Восточный (Арагонский фронтс)

Лондон, май ковть 8-це шистонза („Известиять“ собственнай корреспондентонц эзда телефон вельде).

Республиканский частьтне продолжают производить сильнай нажим мятежникиненъ позицияснот лангс побережьяса и Алига секторса югста-востокшири Монтальбанать эзда. Мятежникиненъ попыткаснон тиес атака Алига районца, республиканский войскактне отразили. Мятежникине потасть, кандсть оцю потерят.

Исяк мятежникине кафксть йоразь атаковандамс республиканецненъ позицияснот Трэмпа районца, но безуспешна. Республиканский войскактне тя районца продолжают сдерживать противникть наступлениянц.

Фашистский гидросамолеттне исяк бомбардировандазь Валенсиянь портоноц. Тя бомбардировать пингста 8 ломатть шавфт и 15 раненайхть.

## Братский лезкс испанский республикати

Барселона, май ковть 8-це шистонза. (ТАСС).

Барселонав састь 60 грузовикт 340 тоннат продовольствия мархта, конанц кучезе Французский компартиясь и сонь органоц

„Юманитесь“. Тяни сисемце продовольствия мархта транспортсь, конац организованай Испанияти „Французский народнай помощь мархта“.



БАЙГУШКИН ВАСИЛИЙ АНДРЕЕВИЧСЬ—Кочкуровский районца, Мордовско-Давыдовский вельень „Мировой пролетариат“ колхозть знатнай опытникоц.

## Китайса военнай действиятне

### Центральнай Китайса

Шанхай, майть 8-це шистонза. (ТАСС). Сьада сидеста китайский партизаттне кармасть эвондакшнума Шанхайть перьфке. Особай активность сий примосихть Путун секторса (Шанхайть фкя районоц). Майть 7-це шистонза 100 ломанень лувксса партизанский отрядсь суvasь Путун ошу и обезоружиндазе японский жандармериять. Тяка жа шиня партизанский отрядсь тийсь налет Чуаньшати (Шанхайть юго-восточнай ширесонза) и фатясь лама оружия. Нанкин-Ханчжоуский шоссейнай кить лангса майть 7-це шистонза партизаттне сязезь Хучжоуть и Чансинть йотк-

са сообщениять. Майть 5-це шистонза японский войскактне пытандакшнесть йотамс Фучунь лять южной берягонза. Хачжоуть эзда аф ичкозе Китайский войскактне, нолдамок японецненъ лять кучказонза, кармасть сий лангозост ляцендема вию артиллерияса. Тянь результатса ульсь шавф лама японский солдатт.

Лондон, майть 8-це шистонза. (ТАСС). Рейтер агенствать корреспондентоц пачфни куля, што китайский партизаттне зайнязь Тунчжоу ошть (Шанхайть северо-западнай ширесонза, Янцзыть севернай берягонза).

### Севернай фронтса

Ханькоу, майть 7-це шистонза. (ТАСС). Шаньдун провинцияса тяниень пингть японский войскактненъ главнай вийсна сосредоточендафт Матоучжень районца. Японецненъ атакасна, конац ульсь тийф майть 6-це шистонза отбитай. Оцю бойхть йотсихть Ушань, Гаошань возвышенностьтненъ эса. Майть 4-це шистонза Шаньси провинциять западнай пьальксонза китайский войскактне фатязь Лиши ошть. Саф 1000 ломаньцта японский подкреплениясь контратакать вельде йоразь фатямс нинге весть ошть, но кой-мзяра частонь боень пингста ульсь тапафт. Шаньси провинциять восточнай пьальксонза мекольдень неделять пингста японецненъ эзда

аропфт лама ошт, тяка лувксса Чанчжись, Гоапинць и Янченць. Японецне потайхть Шэсянцуть шири.

Лондон, майть 8-це шистонза. (ТАСС). Шанхайский Рейтер агенствать корреспондентоц пачфни куля, што Шаньси провинцияса китайский войскактне возобновили наступлениять японский гарнизоттненъ лангс, конат ащихть Датун-Пучжоуский машина кить перьфке. Тяниень пингть китайский войскактне 12 ошень эзга фатязь аф оцю японский гарнизотт.

Бейпин районца положениясь напряженной. 8-це Армиянь частьтне састь китайский войскактненди лездоме. Активной операцият нинге аф йотафневихть.



А. Косарев

# КОМСОМОЛСЬ И ОДЛОМАТТНЕНЬ ВОЕННОЙ ВОСПИТАНИЯСНА

I

Ленинский комсомолть ули не-  
рушимай традиция, конанц сон  
ванфтозъ кандозе (пронес) сембе  
эсь историясонза, конанц сон ут-  
вердиндазе эсь лучшей цюоранзон  
варсон мархта. Тя традициясь—  
доблестнай Якстерь Армиять мар-  
хта непоколебимай сотксь, кров-  
най, лама кизонь пингста прове-  
ренной дружбась, конац мзярдон-  
га аф сиреди.

Комсомолсь Якстерь Армиять  
мархта навсегда арась роднойкс  
социалистический родинаць инкса  
сражениянь толса, гражданский  
войнань неисчислимай героичес-  
кий бойхень эса, ся кизотнень  
пингста, мзярда комсомолу сува-  
мась значило модемс фронту бое-  
цокс.

Оцю дружбась, конац шачсь  
гражданский войнань толть эса,  
шиста-шис, кизоста-кизос арсесь  
сяда кемоста. Комсомолть соткс-  
Якстерь Армиять мархта сембе  
нинге кемокстай, кона няфни эсон-  
за ярчайшай выражения, од по-  
колениянь, кодаи сембе советский  
народть единениянь, социализмань  
странань эсь армиянь мархта.

Пока ули капиталистический ок-  
ружения, советский сембе одло-  
маттнень инголе всегда кармай  
ащеме Якстерь Армиять мархта  
сотксонь всемернай кемокстамань  
задачась, эсь родинаньконь обо-  
роноспособностенц нинге сяда пяк  
кемокстамань задачась. „Эряви,—  
тонафнесамазь минь Сталин ялгась,—  
минь сембе народоньке кирдемс  
мобилизационнай готовностень со-  
стояниясь военной нападениянь  
опасностть инголе, штоба кодамо-  
вок „случайностъ“ и минь внешний  
врагоньконь кодамовок фокусна  
афолемазь сата минь врасплох...”

Минь аф содасась мзярда вач-  
коди войнань грознай частсь. Но  
минь цебарьста содасась, што сон  
вачкоди. Комсомолти и Советский  
одломаттнень эряви улемс неиз-  
менна мобилизационнай готовно-  
стень состоянияса. Комсомолецти  
и васендакиге комсомольский ак-  
тивистти эряви улемс сембе ору-  
жиясь анок Якстерь Армиянь бое-  
цонь, командиронь, политический  
работниконь рольти. Ворошилов  
ялгась корхтась, што „мирнай  
пингонь армиясь тя аныцек ядро,  
военнай пингста развернутой ар-  
миять основной костякоц“. Резер-  
вь, конац должен улемс войнань  
случайста шоворемс армиянь рят-  
тненьди, тя васендакиге Ленинско-  
Сталинский многомиллионнай ком-  
сомолсь, большевистский партиять  
вернай помощниконь, конанди эсь  
родинань арелямац сембодат пин-  
ни. Сон, Ленинско-Сталинский  
комсомолсь, минь одломаненьке  
составят „военнай пингста раз-  
вернутой армия“.—Комсомолецне,  
конат тячи работайхть заводга,  
колхозга, учреждениява,—нят бу-  
дущай боецт, лейтенантт, полит-  
рукт, комиссархт. Оцю значения  
кирди военной знаниянь пропа-  
гандась тя валть инь кели значе-  
ниясонза. Речсь моли аф аныцек  
сянь колга, што эрь комсомолецсь,  
родинаньконь передовой ломанец  
должен тонадомс меткайста ляце-  
ма (кстати, тя задачат минцонь  
решандакшнесазь аф станя, кода  
эрыволь),—тя, аш месь корхтамска,  
обязанностъ. Речсь моли сянь кол-  
га, штоба комсомольский активть  
йоткса, одломаттнень йоткса пробудить  
оцю интерес военной наукат-

неньди, военной теорияти.

Комсомолецне, кда синь йорайхть  
пшакоткшнемс эсь долгсон ро-  
динаць инголе, должетт тонафнемс  
военнай техникань, тактикань, стра-  
тегиянь, военной теориянь сембе  
многообразнай сложностень кизеф-  
кснень. И виде, заводонь комсомо-  
лонь комитетонь секретарсь лувон-  
дсы эстеенза зазорнайкс аф содамс  
эсь предприятиянь техникань. Но  
вдь заводонь комсомолонь коми-  
тетонь такжа секретарсь должен  
улемс анок руководить одломатт-  
нень йоткса лия обстановкасонга. И  
дрый допустимай, што военной на-  
укась сидеста сондеенза арси аф-  
знакомыйкс? Тяфта жа, кода сон  
тонафнесы эсь предприятиянь тех-  
никань, сон должен тонафнемс  
военнай техникань и теориять.

Катк эрь комсомолецсь мыслен-  
на ванцы эсь востонц будущей  
войнась и сообразно танди тонаф-  
несы военной техникань и военной  
теориять. Военнай темань литера-  
турась должен пользоваться ком-  
сомолецнень йоткса аф сяда йол-  
ма популярностьса, кода художе-  
ственной литературась. Мес минь  
тяфта кржа беседадонк, тактикань  
и стратегиянь темас коря лекция-  
донк, мес кржа моралхитхть нят  
кизефкснень колга книгада? Пе-  
редовой советский одломань не  
может улемс невеждакс военной  
теориянь и техникань кизефкснень  
эса. Ленинский комсомолсь, конац  
воспитандакшни сембе ширде ста-  
линский закалкань образованнай  
ломатть, военной образованиять  
должен тиес воспитательнай де-  
ятельностьти неотемлемай пиль-  
сокс.

Катк теиенк служайхть примеркс  
марксизмань классикне, конат  
проявляли оцю интерес военной  
теорияти, содамок сонь пяк оцю  
значениянь пролетариатть побе-  
данц инкса. Энгельс, научнай ко-  
мунизмать основателензон эзда  
фксь, ульсь тяфтажа военной на-  
укатнень эса крупной знатококс,  
пяк интересовался военной тево-  
нь кизефкснень мархта. Тяфтама жа  
пример теиенк максси Ленинц.  
Содаф тяфтажа, што Сталин ял-  
гась ащи военной крупной специ-  
алистокс.

Военнай теориять, военной нау-  
кать сембе сонь отраслязон эса  
тиес кельгови наукакс одломат-  
тненьди — тяфтама задача Ленинско-  
Сталинский комсомолть.

II

Содаф, конашкава оцю желани-  
ясна Советский одломаттнень во-  
еннай техникань тонафнеманьцы.  
Од патриотсь упорна, неутомимай  
энергиясь стреминдай приобрести  
омбоце профессиять—военнай про-  
фессиять. Источникотс тя стрем-  
ления ащи одломаттнень готов-  
ностьсон арелямс эсь отечества-  
сон, рабочайхнень и крестьянтнень  
социалистический государствасон.

Максимум должнай одломатт-  
нень нят благороднай стремления-  
сонды, эряви, однако, азомс, што  
аф фалу васьфнитхть синь комсо-  
молоньконь ширде сатомшка и  
эривикс поддержка. Военнай рабо-  
тась минцонь сидеста канни школь-  
най, примитивнай характер и ащи  
устаревшай формань властьса. Со-  
ветский одломаттне отличнайста  
мяляфтсазь Ворошилов ялгать за-  
мечательнай валонзон сянь колга,  
што „Войнась тяниень условиясь  
вещи пяк лама машинат, причем  
различнай назначениянь машинат,  
разнай названиянь и огромный

технический сложностень маши-  
нат“.

Одломаттнень ули мяльсна то-  
нафнемс пушкаты, танкт. Теенза  
тиеви тя задачась, сон пшакоткеви,  
сяс мес техникась—тя одломат-  
тнень родной тевсна. Одломаттне  
сотфт сонь мархтонза, сон эрай и  
работай высокоай и совершеннай  
техникань странаса. Од рабочайсь  
волнения мархта арьси наводчи-  
конь, танкистонь омбоце профес-  
сиять колга, а минь сидеста огра-  
ничендакшнесазь военной теветь то-  
нафнемань мелкокалибернай вин-  
товкать и противогазть тонафне-  
масон мархта.

Саты ли минь виеньке вишкоте-  
мемс одломанень кели движениять  
военнай техникань тонафнемат  
инкса тя валть инь настоящей  
смысласонза? Вийс коряли теиенк  
тя задачась анокламс танкистт, мо-  
тористт, артиллеристт, апак аертт  
производства? Конешна, да.  
Практикась блестящайста тянь  
подтверждакшнесы. Маштсь  
жа комсомолсь пилотонь—безот-  
рывниконь движениять вишкоте-  
ма. Мезе эряви тя задачат пра-  
вильнай решениянь инкса? Васен-  
дакиге пяк эряви материальной ба-  
за. Тя базать помогут тиес Як-  
стерь Армиянь частень подшеф-  
най комсомольский организация-  
не. Допустим, што № ошса ащи  
танковой часть. Дрый не может  
сон выделить необходимой мате-  
риальной часть и организовандам  
ошень предприятиянь эса тан-  
ковой кружокт? Конешна, может.  
Сяка жа относится артиллерийский  
частьтненьди. и лиятненьди. Аш  
месь корхтамска, што мзярда ули  
созданнай материальной база тяф-  
тама движенияньди, конкретнай по-  
литический сотксна комсомоль-  
ский организациятнень Якстерь  
Армиянь частьтнень мархта нинге  
сяда пяк кемокстави и шефствась  
примай нинге сяда глубокой ха-  
рактер. Пинге практически при-  
ступить тя задачат решенияньцы.

Мезе касается стрелковой тевети,  
конань ни в коем случае аш кода  
пренебрегать, то и тясовок лама  
школьнайда, примитивнайда, каль-  
дывста нинге минь тонафнитхть ля-  
цендема, кржа нинге минь „Вороши-  
ловский стрелоктонк“, да сидеста  
апак заслужендак-щедо макссазь  
тя почетнай званиять. Ляценди  
ломань аф ламос и тянь мархта  
аделази, сяда тов аф тонафни. Аф  
овладендай техникань теветь мар-  
хта. Кальдывста работай нинге  
Осоавиахимсь стрелковой спортть  
вишкотемань лагса.

III

—Мекольден пингста партиять  
Сталинский Центральнай Коми-  
тетотс лифтьсь важнейшай лама ре-  
шения, конат кирдихть оцю зна-  
чения армейский комсомолть ра-  
ботасонза. Провереннай, полити-  
чески, сяда цебарьста аноклаф  
комсомолецнень политруконь за-  
местителькс и помощникотс выд-  
вижениясон колга решениясь,  
красноармеецнень — комсомолец-  
нень партияв примамасон колга  
решениясь, конац панчси огром-  
най возможность армиява комсо-  
молецнень сяда курокса продви-  
жениясонды. Оцю значения кирди  
„Якстерь Армиясь комсомолецнень  
колга Положениясь“, конань кемок-  
стазь ВКП(б)-нь и ВЛКСМ-нь  
ЦК-тне.

Сембе ня решениятне ащитхть  
партиять ширде Ленинский комсо-  
молти и Якстерь Армиянь комсо-

молецненьди ярчайшай выражени-  
янь довериякс. Авдь комсомолец-  
ти сяда почетнай мезевок аш, ко-  
да Ленинонь—Сталинонь партиять  
великой доверияц.

Комсомолсь армиясь—оцю вий.  
Якстерь Армиять рядонзон эса лу-  
вондови сядот тьожатть комсомо-  
лецт. Авиациясь, мотчастьтнень  
эса, морской флотса эрь колмоце  
боецсь—ВЛКСМ-нь член. Якстерь  
Армиясь, флотса—Ленинский ком-  
сомолть инь лучшей цюоранза,  
минь родинаньконь стойкай и на-  
дежной защитникт. „Якстерь Ар-  
миянь и Военно-Морской Фло-  
тонь комсомолецне,—корхтась Во-  
рошилов ялгась,—тя трудящань  
государствать оборонаньцы золо-  
той фонд“.

Армейский комсомолть виенц  
лац содазь народонь вракне, га-  
марнико-булинский шпиоттне, ко-  
нат орудовали РККА-ть отдельнай  
звенаванза. Народонь вракне вся-  
кай лаца пытались аерфтомс ком-  
сомольский организациятнень эсь  
непосредственной задачасон эзда,  
всякай лаца шорсесьть комсо-  
молецнень политически воспитан-  
дамасонды, лафчепнезь синь  
йотксот дисциплинать, гасили  
синь энергиясон, всякай лаца  
йорасть аерфтомс армейский ком-  
сомолть гражданский организа-  
циятнень эзда. Народонь вракне  
тийсть тяфтама положениа, мзяр-  
да политуправлениява по-существу  
кивок ашезь занимаандакшне ком-  
сомолть мархта, ашезь вате руко-  
водства сонь лагсонза.

Вредительствань последствия-  
не успешна машфневихть и улихть  
машффт йофси. Армейский ком-  
сомолсь, кода и ладнек ВЛКСМ-сь  
ульсь, ули и кармай улеме безза-  
ветнай помощникотс и опоракс  
Ленинонь — Сталинонь партияти  
достойнайкс ся доверияти, ко-  
нань теенза макссезь Сталинский  
ВКП(б)-нь ЦК-сь.

Армейский комсомолецне-эсь  
отечествасонды настоящей патри-  
отт. Тьожатть и тьожатть синь  
эздот совершенстваса овладе-  
вают эсь тевсон мархта, няф-  
нитхть большевистский дисципли-  
нированностень образец и упор-  
ства путф целень достижения-  
нень инкса, увлекандамок эсь при-  
мерсон мархта сембе боецнень.

Армейский комсомольский  
организациятнень деятельностьнень  
результатсна, особенна ВКП(б)-нь  
ЦК-ть решениядонза меле, пяк  
значительнайхть. Тийф оцю рабо-  
та политруконь заместительнень  
выдвижениясь. Пяк лама органи-  
зацият келепнесазь эсь рядсон  
передовой одломаттнень эзда.  
Цебарьгодсь комсомолецонь пар-  
тияв сувафтомань работась. Од-  
нако афсатыкста, конат пяк су-  
щественнайхть, армейский комсо-  
молть работасонза нинге пяк лама.  
Якстерь Армиянь комсомолцай  
сембе организациятнень задачас-  
на—цебарьгафтомс армейский сем-  
бе одломаттнень мархта идейно-  
воспитательнай работать.

Одломаттнень мархта сотксь  
ащи комсомольский организацият-  
нень деятельностьнень успешсонды  
важнейшай основной условиякс.  
И армиянь комсомольский кол-  
лективне обязатт всемернайста  
кемокнемс и келепнемс эсь соткс-  
сон од ломаттнень мархта. Тя  
пингс нинге лама комсомольский

(Полаткоц 3-це страницаса).



А. Косарев

## Комсомолсь и одломаттнень военной воспитаниясна

коллектифт эряйхть замкнутайста. Организациятне, конат лишонайхть одломаттнень мархта эрь шинь сотксты эзда улихть калдяв помощниковкс партияти.

Штоба улемс достойнайкс партиять довериянцты, комсомолечне, конат ащихть Якстерь Армияса, должетт ванфтомс армиять боевой мощенц, сонь несокрушимостенц, эсь эряфсонза кода себодонга драгоценнайть.

Особенно многообразнайхть и почетнайхть обязанностьсна политработникнень. Оцю честь улемс Якстерь Армиянь политический работникокс. Сон воспитандакшни боецонь и командиронь массатнень йоткса революционной дух, дисциплина, большевистский мужества. Катк всегда ащихть минь од политработниконьконь сельме инголе героический комиссархнень, партиять отважной цюранзон, немеркнушай образсна, конат организовандаз Якстерь Армиять победанц гражданский войнань кизотнень пингста. Работаса опытьт и уверенность комсомолец-политработниксь должен сявондемс родной эсь партийно-комсомольский коллективсонза, конац должен апок сизек теенза лездомс, келептемс сонь кругозоронц, совершенствовандакшнемс сонь. Синь жа политработникне не должетт аерткшнемс комсомольский коллективсон эзда, а улемс активной участникокс синь сембе деятельностьсост.

Армейский комсомольский орга-

низациятнень эса аф кржа афсатикста, конат сходнайхть ВЛКСМ-нь комсомольский лия организациятнень афсатикссон мархта. Содафт администрированностьсна, самоуспокоенностьсна, бдительностьсна юмафтома фактт. Сембе нят афсатиксне кайхсть аф кирдемшкат военной организациятнень эса. „Якстерь Армиянь комсомольский организациятнень колга Положениясна“ азф комсомолечнень важнейшей задачасна „виемс беспощадной тюрема народонь вракнень каршес, родинань троцкистско-бухаринский изменникнень каршес—иностранный разведкаты каршес“. „Положениясна“ обяызывает упорнайста тюремс боецнень и командирхнень политический сознанияснот касфтомаснон инкса, прививать теенза ответственностьсна чувстват, родинань защитниконь эсь долгонц пашкодемани инкса, военский дисциплинать всемернай кемокстамани инкса.

„Якстерь Армиясна комсомольский организациятнень колга Положениясна“ васендакиге направленной армейский комсомолть большевизациянцты.

Воспитать эрь од боецть политически закаленнайкс, безгранична преданнайкс Ленинонь—Сталинонь партияти и советский народоти,—вов мезе тани требуется армейский комсомолть эзда. Тянь инкса сонь улихть сембе необходимостенза, улихть сембе возможностьсна.

### Комсомолечнень ширде учихть лезкс

Иса-Пря велень комсомольский организациясна 22 комсомолечт. Комсомольский пуромксса сембе комсомолечне ульсть кемокстафт колхознай бригадатнень эзда, штоба паксянь станга новляльхть бригаднай стен-газетат и вятельхть политмассовой работа.

Но комсомолечне тя путфксты тичимс аф пашкоткшнесазь. Бригадава ашесть новля фкявок стенгазета и аф вятихть кодамовок

массовой работа. Кода няеви, комсомольский организациясна аердсь культурно-массовой работат эзда, аф лувондсы сонь эрявиксонди.

Колхозникне учихть мзярда комсомольский организациясна кармай йотафнема йоткост политмассовой работа.

А. К.

Инсарский район.

### Касыхть комсомолть рядонза

Мордовияса ВЛКСМ-нь ЦК-ть V-це пленумонц решениядонза меле вишкста кармасть касома комсомолонь ряттне.

Ковылкинань районца, Самовольевка велеса ульсь анычек 2 комсомолечт, а тани 10 комсомолечт, конат вятихть оцю работа РСФСР-нь и МАССР-нь Верховнай Советтненьди кочкаматни анокламань тевса разъяснительнай работа.

Атюрьевань районца, Мокшень

Козловка велеса, ульсь комсомолечта 10 ломатть, тани 22 ломатть. Зубово-Полянень районца, Анаева велеса аф кунара сувась комсомолу 16 ломань.

Нят первичнай комсомольский организациятне по-большевистски кярьмодеть ВЛКСМ-нь ЦК-ть V-це пленумонц решениязон пашкодемаснонды.

Ф. Райдон, Мелешин  
Н. Юрякин.

### Спасиба Сталин ялгати

Мондине топодсь 19 кизот, но ули мезе азондомс эсь радостнай и счастливый эряфозень колга.

Мзярда тейне ульсь фкя киза, монь кулось тидязе и алязе. Хоть и мон илядонь тидяфтома, но калдяв ашень ний.

Мон васенда кармань тонафнема начальнай школаса, сяда меле неполнай средний школаса, коса тейне максесть оцю возможность тонафнемс. Сяда тов, аделамок НСШ-ть 1936 к., мон сань Саранск ошень рабфаку, коса тани тонафнян III курса. Школась тейне максси материальный лезкс. Радостнай, счастливый эряфть тейне максозь большевистский партиясь и советский правительствась.

Сембонь тянь инкса мон азондан спасиба партияти, правительствати и великий вожди Сталин ялгати.

Монь од мяштезе пашксе теест кельгомань чувствата, анокан максомс сембе эсь виезень великий эсь родиназень инкса.

Мон примосян участия сембе добровольнай кружокова. РСФСР-нь и МАССР-нь Верховнай Совету кочкаматнень колга Положениятнень тонафнема кружокса, мон тонафнян анычек отличнай отметка мархта. Выборхнень пингста мон максса эсь вайгялезень большевистский партиять лучшей стирензон, цюранзон инкса.

И. Дунаев.

Саранск ош.



ЛВО-нь частьтнень тундань тактический учениясост  
СНИМКАСА: Разведкаса. Боевой подготовкаса отличниксь Ф. А. Коралев няфнесы младшай командирти А. Н. Осауленконди, обнаруженный противникть.  
Фотось (Союзфототь).

### Тевсон вятсазь цебярьста

Од-Ямскоень комсомольский организациясна, комитетонь секретарьсь Кузнецов ялгась, лац ладязе комсомольский работат.

Комсомольский организациясна лац ладяф политико-воспитательнай работась, кода комсомолечнень йоткса, а станяжа и афсоюзнай одломаттнень йотксовок.

Комсомолечнень мархта организовандаф комсомольский начальнай школа и СССР-нь народонь историять инкса тонафнемань кружок. Занятиятне йотафневихть аккуратнайста.

Афсоюзнай одломаттнень йоткса станя жа организовандаф комсомольский начальнай школа. Тяда башка одломаттнень йоткса эрьсикхть занятия коса тонафнесазь ВЛКСМ-нь программать и уставть РСФСР-нь и МАССР-нь Верховнай Совету кочкаматнень колга Положениятнень. Комсомольский организациясна оцю лезкс максси пионерский организацияти. Комсомольский организациясна вяти массово-разъяснительнай работа колхозникнень йоткса. Цебярь комсомолечне кемокстафт бригадатнень эзда, коса новляйхть стен-газетат и тиендихть читкат колхозникнень мархта.

А. А.

Пурдошанский район.

### Марстонь пуромкссата

Апрель ковьт 27-це шистонза Саранск ошень рабфака марстонь пуромксса оцю вниманияса кулхцондозь ВЦИК-ть президиумонц постановлениянц РСФСР-нь Верховнай Совету кочкамань шить назначениянц колга.

Тя пуромксса ульсь примаф резолюция, коса пуромксонь участникне азозь, што синь кемоста кармайхть аноклама РСФСР-нь и МАССР-нь Верховнай Советтненьди кочкаматненьди, што кочкамань шиста синь танга весть няфтьсазь эсь преданностьснот большевистский партияти и кельгома Сталин ялгати. „РСФСР-нь Верховнай Совету кочкасаьк партийнай и афпартийнай инь лучшей большевикнень“—сьормадыхть пуромксонь участникне эсь резолюциясост,—

Шумбра улеза международнай пролетариатть вождец, международнай пролетарский революциять рулевоец, великий Сталин ялгась!

Рузманов

Саранск.

### Почетнай агитатор

Оцю авторитет мархта польовандай Ларионов агитаторсь Порапа велень колхозникнень и колхозницатнень йоткса. Сон оцю работа вяти РСФСР-нь и МАССР-нь Верховнай Совету кочкамань Положениятнень тонафнемасост.

Эсь двадцатидворкасонза работани вятсы регулярно. Эсь беседасонза азонкшнесы текушай политикать, избирательнай закоттнень. Избирательхненьди кизефксне арсикхть пак шарькодевикс, сяс мес Ларионовсь максси теест точнай ответт.

Тя работада башка Ларионовсь максси оцю лезкс нят агитаторхненьди, конатнень калдявста ладяф работасна двадцатидворкава.

Федор Райдон.

Ковылкина.

### Аш лезкс, аш руководства

Сембе содасазь, што июнь ковьт 26-це шистонза карматама кочкама РСФСР-нь и МАССР-нь Верховнай Советтненьди депутатт. Штоба йотафтомс цебярьста тя оцю тевть, эряви сембе вийса виемс агитационнай работа избирательхнень йоткса. Но аф тяфта ащи теьсь Иса-Прянь велеса. Тяса выборхненьди аноклама нинге афи кярьмодкшность. РСФСР-нь и МАССР-нь Верховнай Совету кочкама Положениятнень избирательхнень йоткса ашезь тонафне.

Вельсоветонь председателсь Миловановсь аф весть анцесь лезкс комсомольский и партийнай организациятнень ширде, штоба ладямс выборхненьди аноклама работат, но синь афи думондайхть кярьмодемс тя ответственной задачат тиеманцты.

Вештяма лезкс ВЛКСМ-нь и ВКП(б)-нь Инсарань райкомтнень ширде.

А. К.

Инсарань район.

### Работань показателсна

М. Пашад велеса агитаторхне цебярьста ладязь агитационнай работат избирательхнень йоткса. Эрь шиня тонафнесазь РСФСР-нь и МАССР-нь Верховнай Совету кочкамань Положениятнень.

Инь цебярь агитаторкс лувондвихть Гераскинць, Кирдяшкинць и Чепановсь. Синь занятиятнень йотафнесазь регулярно, плани коря. Избирательхнень йоткса цебярь посещаемсть.

Агитаторхне и избирательхне пара мяльса учихть выборонь шить эса.

Чепанов.

Пурдошанский район.



# Фашистский агрессиясь

## Испаниясь интервенциясь

Фашистский агрессорхне—Италиясь и Германиясь ащихть фашистский восстаниясь организаторкс испанский Республикы каршес, испанский народть каршес. Синь организовандасть интервенция испанский республикась. Синь кучихть тоза пяк лама войска и боевой снаряжения, штоба люпштамс испанский свободной народть. Испаниясь интервенциясь мархта Средиземной морясь пиратствать мархта германский и итальянский фашизмась штафтозь эсь зверень шамаснон, вандалонь шамаснон, конат зверски шавондсть лама народ и уничтожали синь культурной ценностнон.

Организовандамок интервенция героический Испаниясь, Германиясь и Италиясь фашистне, стремясь сядя тов йотафнемс захватнический кели эсь планцнон. Синь йорайхть фатямс эсь кядезост военно-стратегический од позиций Средиземной морясь и Атлантический океанца, штоба йотафтомс эряфс нинге сядонга грабительский планцнон. Синь йорайхть максомс германский и итальянский финансовой буржуазияти Испаниясь кшнинь, уголень, медень и лия цветной металлонь козяместорождениязон. Синь стреминдаихть тиес свободной Испаниясь германский и итальянский империалисттенди колониякс.

Фашистский Германиясь кемоксн эсь мельганза испанский Мароккоть, Сеутеса и побережьянь лия пунктнень эса строяй укрепленной райотт, путни береговой тяжелой артиллерия. Тя мархта сон тиенди прямой угроза Гибралтарский проливти и английский Гибралтарт ширде сявондсь господствующой положением Атлантический океану выходнень лангса. Использовандамок Балеарский островнень и испанский Мароккоть кода операционной базат, германский военный флотсь тиенди грозной опасностью Англиять и Франциять средиземно-морской основной коммуникациязонды (соединительной кинзонды). Германиясь испанский территориять тиезе плацдармакс, штоба варжамс эсь виензон и тиес грядущай империалистический войнаь репетиция.

Италиясь—Европаса фашистский хищнай омбоце агрессорсь—вишкста вооружандай. Муссолинь, кода и Гитлер, стреминдай тиес Италиять военной лагерькс, подчинить сембе хозяйстванц войнаь требованиятенди. Италиять, конань военной бюджетотц 1937 кизоня пачкодсь 6639 миллиотт лирс, тиян ули империалистический оцю армияц.

Кемокснемок Пиренейский полуостровть южная частьсонза, Италиясь стреминдай тиес Средиземной морять эстенза „закрытай эрьхкок“ и йорай сявомс лисема вастт океанский просторхненди, штоба тиес империалистический кели эсь планонзон.

Лицемерна кяшендемек эсь прянон невмешательствань колга Лондонский комитетса формальной участиясон мархта, Италиясь и Германиясь тиендихть прямой блокада испанский республикань побережьятенди.

Содаф, что Германиясь и Италиясь интервенциясь Пиренейский полуострова мушенды сочувствия и мяк поддержка Англиянь и Франциянь реакционной буржуазиять ширде. Франкоть мархта переговорыхне, и Англиять и Франкоть

йоткса представителень обменень няфнесы, что сон (Англиясь) аф откажашни лездомс Франкоть, кода Франкос аерды Италиять ширде. Французский журналисткась Табуиссь сьормады, што „...Англиясь стреминдай, кода няеви, аерфтомс Франкоть Италиять ширде, надияфтомок теенза кой-кодама выйдат“.

Английский политикать основансонза ащи английский консервативной буржуазиять узко-эгоистический классовый интересотц, конанди макссеви жертвакс Англиять национальной интересонза. Англиянь крупнай буржуазиясь пели революционной Испаниять победанц эзда. Сонь мялец и сянди, штоба признать Франкоть и договориться Германиять и Италиять мархта, аныцек ба аф нолдамс сян, штоба Испаниясь тиеволь демократический од типонь республика.

Английский консервативной буржуазиясь стреминдай тиес кемесоткс фашистский странань блокть мархта и сяс, што сон пели Советский Союзть кемес виенц эзда, сонь международнай авторитетонц и весонц эзда. Советский Союзть каршес, кода йотафни эряфс миронь сталинский прямой и ясный политикать, английский буржуазиясь стреминдай путомс каршесонза фашистский Германиять или даже поддержать фашистский странань блокть, кода йорай люпштамс Советский Союзть.



Эсь интересон Средиземной морясь, Пиренейский полуострова англичань консерваторхне надияхть арелямс агрессорхнен мархта соглашения вельде, Франкоть вельде, конань синь корхнесаз эсь ширезост.

Аш коламоков сомнения, што английский консерваторхне надияхть ладямс (сторговаться) Гитлерть мархта, арелямок эсь прянон германский агрессорть воляс нолдамнц вельде, кода, содаф, што йорай тиес захватнический планонзон юго-востока и востока.

Франциянь реакционной буржуазиясь тожа анок лездомс и тиес кой-кодама уступкат фашистский агрессорхненди, синь стреминдаихть тиес соглашения фашистский Германиять и Италиять мархта.

Фашистский орудиянь жерлатне направленайхть аф аныцек Испаниять каршес. Синь любой мину-таста могут увназевомс и чехословацкий и французский границанень эса. Английский и французский буржуазнай кружнень эса улихть реакционерхт, конат инголькиге благословинакснсаз фашистский странатнень Чехословакиять и лия странатнень каршес наступленияс. Ротемир лордсь аф кунара азозе, што „Версальти величайшай глупостекс ащи ся, што сон создал Чехословакиять“, а сонь собеседникоц Гарвин лордсь, мярьгсь: „Вов и цебярь, тя сейсмический пунктть макссакс Германияти“.

Фашистский Германиять военнай выступления инкса подготовканц, Советский Союзть каршес военнай нападения инкса подготовканц одобряют и английский реакционерхневок. Гарвинць „Обсерверса“ видеста тяфта и сьормады; „кода минь шорятама Германияти востока, то сон должен ули эрьхтемс минь лангозонк западса. Английский и французский консервативной буржуазиясь йофси аф откажашни сян эзда, штоба аерфтомс



Марса „работам“. (Тя каррикатурась няфти захватонь тевса фашистский Германиять и Италиять „работаснон“). Рис. В. Лисевичень („Прессклише“).

эсь эздост Германиять и Италиять вниманиясон и направить синь агрессиясон любой лия народонь каршес. Английский и Французский империалистне мушендомк общей киль агрессорхнен мархта демократиять и „коммунистический опасностть“ каршес тюремаса, синьке маряйхть лама тревогат сян сунедат, што Германиясь эстетс пред’являет сембе сядя настойчивай требованият. Империалистический противоречиятне вишкомкшнихть. Фашистский Германиясь Англиять, Франциять ширде веши, штоба синь максолезь меки сонь колониязон, конат ульсть сонь кядсонза империалистический 1914 кизонь войнадинголи. Германиясь тиенди угрозат английский капиталть интересонзонды Южная Америкась, Средиземной морянь странатнень эса, арабский странатнень эса. Ся жа направлениясь вишкомкшнихть противоречиятне английский и итальянский империализмать йоткса. Англиясь и Франциясь, марямок миронь переделть инкса тюремань неизбежностть, направляндакшнемом Германиять агрессиянь кити Европаты востоксонза, келеппесазь военной заводонь сетьсон, вишкопнесазь мобилизационнай эсь готовностнон. Англиясь военнай цепенди ассигновандась имперский бюджетть коряс, годичнай бюджетнай ассигнованияда башка, 1,5 миллиотт фунт стерлингт (39-шка миллиотт цалковайхть). Сон вишкста вооружандай эсь доминионзон.

Франциясь станя жа вишкопнесы военной укрепленияь строительствац; строяй автоградат, бетонированнай крепостть. Сон вишкопнесыне военно-морской и воздушнай виензон.

Войнаь вийхнен, конат гразяйхть человечествати аф лувомшка мукась и страданиясь, вишкопнесазь и фашистский агрессорхне Европаса, и империалистический Япониясь, кода Дальний Востокса вяти разбойнический нападения китайский народть каршес.

Агитаторонь блокнотть 1938 кизонь 4—5-це № № эзда.

## Аф аноклайхть выборхненди

Вирь Сазан велеса агитаторхне аф аноклайхть выборхненди. Колхозникне оцю мильса учихть РСФСР-нь и МАССР-нь Верховнай Советтенди кочкаматнень эса, но агитаторхне, а станя жа вельсоветонь председателсь тя тевть йофси юкстазь.

Тяфта жа комсомольский организацияськя тя тевть эзда аердсь, конанди эряволь ба вятемс эрь шинь агитационнай работа, но синь тячимс тя тевса мезевок аф тиендихть.

Эряви тянь шири шарфтомс оцюмьяль ВКП(б)-нь Рыбкинань райкомти сян ингса, штоба кочкаматнень йотафтомс успешнайста.

Е. В. В.

Рыбкинань район.

## Петькс

51 № „Комсомолонь вайгаль“ газетаса, редакциять сунедат нолдаф эльбияткс. Подвальной статьясь, Нарватов ялгать кизефксонц каршес ответса „может ли улемс СССР-са безработица“, колмоце страницаса, колмоце колонкась, 1-це абзацсь, эряви лувомс тяфта: „Аш и ашель и афи ули мзярдонга социалистический хозяйствань системаса безработица и безработнайхть, сяс мес СССР-са, кода социалистический хозяйствань системаса аш и не может улемс кризист, сяс, што товаронь производствась планируется потребления коряс, сяс мес потребностть касоманц коряс касыхть производстватневок“.

Ответ. редакторть инкса Н. АЛЕМАЕВ.